

平湖縣志

光緒丙戌
孟夏錄版

重修平湖縣志序

宋鄭夾漈謂志之原出於爾雅世無異辭而近儒章氏學誠駁之曰綱紀人倫敷張王道實本於周禮一書而不得係之爾雅斯言允矣嘗攷六官之屬司會既於郊野縣都掌其書契版圖之貳黨正屬民讀法書其德行道藝間胥比眾書其敬敏任恤誦訓掌道方志以詔觀事小史掌邦國之志奠系世辨昭穆訓方掌道四方之政事與其上下之志形方掌邦國之地域而正其封疆以及山師川師各掌山林川澤之名若是其瑣悉複沓者殆卽爲志之權輿乎蓋郡邑之有志非徒絺繪山川藻飾人物已也將藉以察民生之利病鏡政令之得失垂誠於方來故簡策所昭代有增益茲事體大固未可旦夕程功也歲甲戌予奉檄權縣事旣習其士民平湖縣志

序

一
迺進紳耆而謀之曰縣自路續王志而後缺而不修者閱數十年於茲矣中更兵燹典章文物散佚幾盡失今不爲之網羅久恐益渺徵信際此海宇澄清

醜恩迭沛如減漕賦增學額洎禦寇防海諸大政謹當以次臚陳昭示

後來此有司之責抑亦鄉大夫之責歟同人僉以爲是用聘葉院長勤諏先生總其事并屬邑之高材生分任之草創伊始凡例彙具會予受代去官中間睽隔近十年乙酉仲冬湛持孝廉來謁以新志刊本見眎乞予弁其端知勤諏先生於夏間歸道山湛持爲先生令子旣傷老成之凋謝竊喜此志之得以告成也養夜卒讀其條分件繫井井有序凡山川疆域沿革廢置兵農食貨人物藝文民俗土宜洪纖具備下至鄉遂都鄙徒隸百工溝澮邱陵墳衍

原隰朗若列眉深有合於章氏之旨足以信今傳後無疑也予昔
忝長是邦媿無尺寸之益以無負於閭閻去官既久宜相咏如涂
人矣迺不忘鄙陋猥以始事之功走數百里索綴言簡末抑何幸
歟於以見鄉大夫相愛之殷抑重予無窮之媿也因述其緣起於
右若振舉官守興崇治教則俟諸後之君子予何敢贅辭焉是爲
序時

光緒十二年歲次丙戌春二月三日品銜補用道在任候補知府杭
州府中防同知前署平湖縣事溧陽姚光宇撰

重修平湖縣志序

施愚山有言急吏事則專簿領懷古學則詢簡牒二者嘗相妨而不相併竊謂志與治相爲表裏非周知一邑之土田財賦戶口風俗何以慎封守而遂民生非周知一邑之往訓哲行與夫因革損益之故何以宣風教而正民志治莫大於教養志也者著是邦教養之宜與良有司教養之功效而懸後起之的鵠也語曰鑑水知貌鑑古知政使曠代莫脩不惟無以綜覈故實而所謂農桑學校諸大政將茫無所措志之關於吏治豈細故哉平湖舊海鹽地宣德五年析置雖代有邑志而紀載多從簡略至

國朝乾隆間邑令王君恆廣爲修輯燦然大備路志續而未詳故邑乘之修咸稱王志焉嗣是而後並未有創議修之者同治甲戌姚

平湖縣志

序

一

君光宇延請名孝廉葉君廉鶚秉筆開局興修許君嘉德繼之歷三載而未成光緒丁丑

潤章

承乏茲邑簿書之暇登高望遠慨然

思陸五臺之政事賀伯開之直節陸清獻之理學文章流風餘韻猶有存者參諸志乘自嘉慶以來更前數令未竟厥功奚以爲考驗之資遲之又久事實日就沉湮能無爲來者慮乎於是詢父老討掌故旁搜遠採補闕訂訛書甫成而葉君廉鶚遽歸道山因照會其後人存養孝廉檢齊志稿趕付于民以期蕝事閱半載而刊竣

潤

以淺陋之才任繁劇之責雖夙夜惕勞不敢輟而迄今數

載教養之功效究竟何如

潤

之於治旣未有以愜厥心況其所以

爲志者編集於前數令未竟之後敢謂探討無遺體例悉當可以信今而傳後哉特是志前修於王君爲黔人越百餘年

潤

以黔人

蒞茲土再有此舉雖未克遠紹循績而後先修績若有默相符契者書曰非知之艱行之維艱潤願鏡古自勵益求懋乎教養之實志與治不惟不相妨且賴以相成而後之官茲土者因以求是邦教養之宜與良有司教養之功效亦庶幾知所從事哉

光緒十二年歲次丙戌春二月四品銜升用同知知平湖縣事黃平彭潤章撰

平湖縣志纂輯銜名

總修

四品銜升用同知平湖縣知縣

彭潤章

同修

署平湖縣知縣

姚光宇

署平湖縣知縣

許嘉德

代理平湖縣知縣

焦景昌

署平湖縣知縣

束允泰

平湖學教諭

傅商霖

署平湖學教諭

林鼎金

平湖學教諭

祝家驥

平湖縣志

銜名

一

平湖學訓導

汪儒玉

署平湖學訓導

王宗訓

平湖學訓導

周恭清

署平湖學訓導

章誥

平湖學訓導

鮑謙

總纂

揀選知縣甲辰 恩科舉人

葉廉鐸

同纂

戶部貴州司主事己酉科舉人

孫蘭谷

刑部主事己未科舉人

徐彤錫

兵部主事丁丑科進士

朱壽熊

大批教職癸酉科舉人

徐奎藻

增貢生

沈壽祺

就職州判恩貢生

徐步瀛

鹽提舉銜試用訓導歲貢生

王成瑞

鹽提舉銜江蘇布理問增貢生

時元勳

採訪

烏程縣教諭辛巳科舉人

柯汝霖

揀選知縣己亥科舉人

奚景松

孝廉方正

張毓達

揀選知縣己亥科舉人

馬承昭

揀選知縣丙午科舉人

黃晉勳

平湖縣志

銜名

二

歲貢生

錢祖蔭

內閣中書癸未科進士

葛金煊

揀選知縣丁卯科舉人

張天翔

候選訓導貢生

俞文祥

襲職生員

范祝嵩

候選教諭拔貢生

高掄元

候選主事增貢生

謝斌偉

校對

歲貢生

施丙常

嘉興學生員

王慶仁

生員

張金鏡

生

員

張中和

繪圖

郡

廩

生

錢濟奎

從

九

品

胡澧

平湖縣志

銜名

三

平湖縣志總目

卷首

天章

卷一

地理沿革
疆域

卷二

地理山水
古蹟 塘堰
風俗

卷三

建置城池
學校 公署

卷四

建置官舍
關梁 義產
坊表

平湖縣志
總目

卷五

武備兵制
軍餉 汛守
兵事附

卷六

食貨戶口
田賦

卷七

食貨田賦

卷八

食貨場課
積儲 蠲恤
物產

卷九

祠祀壇廟
冢墓 祠宇

卷十

職官 縣治文秩
海防文秩

卷十一

職官 滿洲武秩
綠營武秩

卷十二

宦績 文秩
武秩

卷十三

選舉 文科
薦辟 博學鴻詞
武科

卷十四

選舉 貢監
封贈 世職
廕生 雜流
鄉飲賓 勳戚

卷十五

人物 列傳一

平湖縣志

總目

卷十六

人物 列傳二

卷十七

人物 列傳三

卷十八

人物 列傳四

卷十九

人物 列女一

卷二十

人物 列女二

卷二十一

人物 列女三

卷二十二

人物 列女四

卷二十三

經籍

卷二十四

金石

卷二十五

外志 祥異 叢記 寺觀 附 釋道 附

卷末

前志序錄 續遺 附

平湖縣志

總目

三

凡例 一十六則

一平邑創始法志今不得見程志頗覺繁蕪朱志尙稱簡淨高張二志迭有增修至王志而大備今則乾隆以前悉遵王志嘉道以後則采之遺書稽諸案牘不敢妄憑臆斷致有失實之譏

一引用各書必詳載其書目舊志所引各書必檢取原書確爲考訂其書之不可得見者亦必雜取他書參觀互証庶前所徵引不致有魯魚亥豕之訛

一舊志臚列各門彼此互異茲則據依王志不事更張王志列十二門今新增二門爲十四門曰

天章曰地理曰建置曰武備曰食貨曰祠祀曰職官曰宦績曰選舉

平湖縣志

凡例

一

曰人物曰經籍增曰金石增曰外志曰前志序錄其子目則於建置門增義產武備門增兵事人物門增忠節體例爲尤詳焉

一前志采取先哲詩文歸入子注茲仍其例惟士夫遊覽之詞友朋贈答之作無關掌故一概從刪

一舊志地理援引頗繁茲則山水必實有可徵古蹟必確有可考方載入志至坊圩田畝散漫難稽且有同一圩名而田實各隸各莊者王志另入於鄉圖後俾便檢閱然但載某圩不注圩隸某莊究嫌未晰今特於各圩下增注某莊並注明某莊亦有某圩一覽瞭然似較前志爲詳

一祠祀非有功德於民者不載寺院非創自前朝者不登至頌

禱之生祠頽廢之庵觀無關風教茲概從刪

一乍浦爲浙西門戶海防旣重故兵制尤詳道光間增置水師同治間裁兵增餉自當詳悉備載庚申辛酉年吾湖兩遭兵燹滿目瘡痍故於兵事言之尤確

一鹽漕爲食貨大宗前志粗立規條其文太簡王志於田賦場課核算頗覺精詳茲則自同治以來民沐減漕蠲賦之

恩商獲票運綱運之利其異於舊志者條分縷晰使閱者瞭如指掌

一舊志職官詳悉備舉茲疊遭兵燹檔冊無存自道光庚子以後同治甲子以前得諸采訪者什不獲一而滿營尤屬闕如
一舊志人物皆以列朝名賢列於卷首然其人雖居邑境其時究在未析縣之前茲謹以析縣時爲斷

平湖縣志

凡例

二

一舊志人物有增無減王志則一概不增以去張志未遠也閱今已及百年因將路志及府志各傳補入外復采之遺書訪之輿論一一備錄庶前哲之嘉言懿行不致久而湮沒

一王志忠節散見各門今殉難諸人其事蹟之表著者列忠節傳若僅有姓氏而無事實可稽者另刊殉難錄以昭詳慎

一舊志列女傳臚列賢母才女茲不具錄祇載貞孝節烈以崇經籍金石前志不載至路志而始詳茲復廣搜博采纂輯成編庶海濱文物之邦足資考證

旌典

一王志祥異叢記列入外志茲從其例惟祥異則纂輯成編叢記則刪削過半以其近小說家無裨風教也寺觀釋道姑仍

其舊錄之

一是書體例悉宗王志其間稍有變通均詳於小引中茲不備述

平湖縣志

凡例

三

平湖縣志卷首

四品銜升用同知平湖縣知縣彭潤章恭錄

天章

聖祖仁皇帝宸翰

御書忠孝二字

康熙十六年八月 日

賜內閣中書臣高士奇

御製夏月觀荷詩

千隊芙蓉太液池迎薰初散講筵時螭頭絕勝金蓮燭自有清香送曉

颺

康熙二十五年六月 日

平湖縣志 卷首

賜翰林院侍讀學士臣高士奇

御製題西溪山莊詩

花源路幾重柴桑皆沃土烟翠竹窻幽雪香梅岸古

御書竹窻二字

康熙二十八年二月 日

賜詹事府少詹事臣高士奇

御書存誠二字

御書簡靜二字

御書亭亭獨立四字

御書手勅一道

朕少年時最不喜參爾所素知只因前歲大病後全賴此藥復還元氣

所以使人到長白山覓得八九寸長五六兩重者十餘根上好者數斤念爾江湖遠隔苦楚頻仍想是未必如當年氣相也故賜南方所無蜜餞人參一餅上好人參一斤土木參二斤爾當寬心自養不必多慮

康熙三十二年四月十六日

賜詹事府少詹事 臣高士奇

御製書扇詩一首

故人久別已三年寄語封書自日邊多病相憐應有意吟詩每念白雲篇

康熙三十二年七月 日

賜詹事府少詹事 臣高士奇

御書清吟堂匾額

平湖縣志

卷首

二

康熙三十六年六月二十五日

賜詹事府詹事 臣高士奇

御製詩一首

廿年載筆近螭頭心慕江湖難再留忽憶當時論左國依稀又度十三

秋

康熙三十七年七月 日

賜詹事府詹事 臣高士奇

御製再過鷺峯詩一首

愛此清幽一徑深馬隨泉響入雲林蒼苔古洞何人鑿脈脈韶光自賞

心

康熙三十八年三月 日

賜詹事府詹事 臣 高士奇

御書忠孝節義四字

康熙三十八年三月二十九日

賜詹事府詹事 臣 高士奇

御製詩一首

久別偶相逢俱疑是夢中卽今歡樂事放盞又成空

康熙三十八年閏七月十六日

賜詹事府詹事 臣 高士奇

御書忠爲表孝爲裏言有物行有恆對聯

康熙四十年八月 日

賜詹事府詹事 臣 高士奇

平湖縣志 卷首

御書文詞瞻蔚四字

御書誦詩聞國政講易見天心對聯

御書五言凌白雪六翻向青雲對聯

康熙四十一年四月二十二日

賜禮部侍郎兼翰林院學士 臣 高士奇

御書萊衣畫錦四字

御跋千字文卷後

米芾書原無千字文朕自幼臨摹深知沈著痛快處令人起敬所以集成兩部此一部乃是小字其中無字者朕書補之雖不能彷彿古人用筆亦知朕好書之意也癸未春南巡禮部侍郎高士奇終養在籍以色笑養母萊衣自歡當年講筵時精神少壯留心翰墨嘗進春秋講義夜

分不寐今見齒落髮白三十年間光陰之速以至如此朕甚憐之故舟中書萊衣晝錦匾額並千字文賜之以記不忘舊臣之意云爾

康熙四十二年四月初一日

賜禮部侍郎兼翰林院學士

臣高士奇

御書棲心二字

御製製硯說一篇

盛京之東砥石山麓有石礪礪質堅而溫色綠而瑩文理燦然握之則潤液欲滴有取作礪具者朕見之以爲此良硯材也命工度其小大方圓悉準古式製硯若干方磨礪麋試之遠勝綠端卽舊坑諸名產亦弗能出其右爰裝以錦匣臚之斐几俾日親文墨寒山磊石洵厚幸矣顧天地之生材甚夥未必盡見收于世若此石終埋沒于荒烟蔓草而不一遇豈不大可惜哉朕御極以來恆念山林藪澤必有隱伏沈淪之士屢詔徵求多方甄錄用期野無遺佚庶愜愛育人材之意于製硯成而適有會也故濡筆爲之說壬午冬嘉平月朔書

康熙四十二年二月三十日江南

行在

賜臣僧元璟

諭祭禮部侍郎兼翰林院學士高士奇文一道

康熙四十三年歲次甲申正月辛丑朔越十日庚戌

皇帝遣浙江等處承宣布政使司布政使加三級郎廷極

諭祭禮部侍郎兼翰林院學士高士奇之靈日鞠躬盡瘁臣子之芳蹤賜卹報勤國家之盛典爾高士奇文行優長才能稱職內廷供奉久著勤

勞方冀遐齡忽聞長逝朕用悼焉特頒祭葬以慰幽魂嗚呼寵錫重爐庶沐匪躬之報名垂信史聿昭不朽之榮爾如有知尙克歆享御書勉學承先志存誠報國恩對聯

康熙 年 月 日

賜翰林院編修 臣高輿

御書唐人詩一首

坐酌泠泠水看煎瑟瑟塵無由持一盃寄與愛茶人

康熙四十六年四月十九日

賜平湖縣知縣 臣董天眷

世宗憲皇帝宸翰

上諭二道

平湖縣志

卷首

五

上諭爾等議政處原議乍浦地方駐劄滿洲兵一千六百名此內挑選杭州餘丁八百名江甯餘丁四百名京城餘丁四百名令其披甲前往駐劄朕近詢問將軍鄂密達據稱江甯餘丁披甲者可得八百名等語今京城不必揀發四百名卽於江甯餘丁內著鄂密達酌量挑選八百名令其披甲前往乍浦駐劄乍浦地方創設駐劄兵丁則補放管轄官員事殊緊要補放之員務將年富力强驅勉任事者揀選補授交與將軍鄂密達著於江甯應補人員內揀補現任官員內應行調補者揀選調補如江甯應補之員不能足數於杭州應補人員揀選補授現任官員內揀選調補之處著將軍鄂密達與將軍阿里衮互商派委此兩處補授員缺著各該將軍題補倘兩處不能足數著將數目開明報部該部請旨具奏再由京城揀選人員補授發往此駐防之官兵移居起程著

交與江南總督范時繹浙江總督李衛公同商議料理起身欽此

雍正八年正月十二日

上諭據浙江總督李衛奏稱乍浦新立水師兵丁所領錢糧已蒙恩諭照天津例每月加賞五錢衆兵莫不感戴歡呼但以兵丁內有綠旗兵四百名雖屬水師同營而滿漢攸分前項蒙恩賞賜生息銀兩未敢派令均霑隨將恩賞加給餉銀應否一體支領之處移查天津都統據天津覆文內稱彼處舵工水手等人皆係僱募在營支取工食非係食糧兵丁不曾加增等語是以浙省現在亦仍照舊額支餉未敢添給但查此項兵丁俱係熟於水務之人身既遠離鄉井或挈家而來或分住兩地皆須養贍家口之資其中如捕盜舵工阿班斗椗繚手等人皆自幼練習方能精熟將來滿兵卽於水務極嫻而若輩仍須留用是其勤勞艱

平湖縣志

卷首

六

難之情非別營水師可比臣與將軍阿里衮副都統傅森密商無異可否仰請聖恩將每月加銀五錢之處一體支領并將恩賞生息銀兩亦量爲分派謹此請旨等語朕覽李衛所奏甚是綠旗兵丁旣派滿營教習操練自應與滿州兵丁一體加恩況其中捕盜舵工等人尤爲効力勤勞應當體恤著照李衛所請每月一體加賞餉銀五錢其所頒生息銀兩亦酌量分派俾得同霑恩賜特諭

雍正八年七月初四日

高宗純皇帝宸翰

諭祭贈內閣學士兼禮部侍郎謚清獻陸隴其文一道

乾隆二年歲次丁巳九月丙戌朔越二十有二日丁未

皇帝遣浙江分巡杭嘉湖道按察使司副使曹繩柱

諭祭原任監察御史加贈內閣學士兼禮部侍郎謚清獻陸隴其之靈曰
朕惟人臣砥礪儒修丕著端方之節國家表章正學必加褒寵之文常
祀旣崇優綸載錫爾原任御史陸隴其天姿清粹造詣深純講學則確
守程朱禋躬則上師顏閔循良著績仁風尙浹于花封謬揚聲亮節
克彰于烏府旣配享于文廟仍追錫以嘉名晉階閣部之班申錫牲牢
之奠於戲榮沾稽古千秋揚俎豆之輝學懋窮經三命煥絲綸之色爾
靈不昧尙克歆承

御製碑文一道

制曰朕聞古者謚以尊名爵以馭貴其有經爲師表品重儒林者尤宜顯
微闡幽用昭曠典原任御史陸隴其賦性清淳持躬端慎研精聖學作
洙泗之干城辭闕異端守程朱之嫡派宰赤縣則循良著績清風萬姓

平湖縣志

卷首

七

交孚歷烏臺而謬謬揚聲正論一時推重入孝出弟惟待後以守先誦
詩讀書實知人而論世家居著述蔚爲一代之醇儒文廟明禋永配千
秋之侑享謚曰清獻晉以崇階加贈內閣學士兼禮部侍郎照例給與
碑價於戲德可尊而言可道追錫宜隆賢希聖而士希賢典型斯在膺
茲休命式此豐碑

乾隆三年八月 日

御製詩一首

壬午定水誌踟躕未敢信乙酉視清口水誌爲慰三年順今復十歲閱光陰
迅一瞬河臣遵此制幸未致轅僨溯上四十載十八水災趁車邁及南
關補苴徒勞紊豈如視清口水誌爲退進開築兩壩料河臣昔所靳以
較賑恤費省豈千百僅而億萬蒼黎綏屢無愁饑斯過旣弗辭斯功亦

不遜南巡第一政庶未孤清問總河吳嗣爵奏清口及車邏等壩事詩以誌慰卽書賜之甲午清和上澣御筆

乾隆三十九年四月 日

賜總河 臣 吳嗣爵 嗣爵刻石淮上敬和詩曰治水貴審機收效乃益信澤國近安居良由湖流順回溯大潦時受惠在轉瞬溢水

下沮洳如牛豚上債司事計補苴徒知事後趁 睿鑒洞源流悉屏羣議紊清口量水拓弗使盈科進壩工縱費重不欲為民靳底定賴萬世要非廿載僅迺民餘蓋藏早已忘歲饑古以粒食稱視此應退遜我 皇猶勤思察邇更好問

上諭一道

上諭據雅德奏浙江乍浦舊有臨海砲臺一座上建閱操官廳三間安設大砲四位防禦海洋于乾隆四十六年猝遇風潮砲臺官廳盡被冲卸砲位亦沈入海內當經派撥兵撈獲加謹收貯必須另行建復砲臺以重防禦共估需工料銀三千九百餘兩請于司庫餘平款內動用等語

平湖縣志

卷首

八

朕先閱摺奏卽不明暫繼覽圖說更覺未當臨海建築砲臺本易受風潮衝刷今所繪圖乃作月牙形兜灣出於海不易致衝刷乎自當臺基與石堤取直使海水順過尙可經久覽圖內既係坐灣受衝則水勢洶湧逼近臺根朝夕刷沙無怪其易于坍塌又據稱舊料業已漂沒無存今臨海施工用大料石逐層安砌是工鉅費繁所請動用銀三千餘兩以朕觀之若汝所繪圖雖費萬金尙恐不敷用又安能蓋造廳樓安砌城堞外省勘估工程每多不實不盡其中或有捐資幫貼等情事亦未據該督奏明但如該督所進圖樣如式建蓋仍不免為風潮衝卸徒費無益著將硃筆原圖發交閱看令福崧親往相度形勢將臺基取直不受頂衝方為妥善並著另行核實勘估具奏至摺內滿洲綠營何須省此二字乃庸幕省文惡習已用硃筆抹出前屢經降旨訓飭雅德于陳

奏事件何不留心檢點疏忽若此耶將此傳諭知之欽此

乾隆五十一年二月十一日

仁宗睿皇帝宸翰

諭祭原任戶部尚書沈初文一道

嘉慶四年歲次己未十二月庚寅朔越二十六日乙卯

皇帝遣官

諭祭原任戶部尚書加二級軍功加三級沈初之靈曰均財翊治宣猷嘉夙夜之勤稽典酬庸求舊愴老成之逝惟奉職無愆於終始斯渥恩宜備夫哀榮丕煥丹綸聿頒琿俎爾原任戶部尚書沈初端醇植品淵雅蜚聲早獻賦於屬車薇垣列選旋擢名於上第芸館翹材循資而晉掌坊寮入直而近依禁闈鑿坡視草分榮侍從之班秘閣懸藜總挈編摩

平湖縣志

卷首

九

之局躋卿階而率屬治佐六官值金幄以論思恩隆三接視學則江循左右並周四省之輜軒掄才而試典春秋載詠滿城之桃李洊歷臺垣之長俾參樞府之謀食貨有經領度支而克諧辰告銓衡兼攝慎品藻而益勵寅恭賡白叟以獻卮

春祺茂錫許紫闈之綏輦日贊彌勤方息老於簪毫尚宣勞於曳履淪殂遽告感悼良深卹典優加彝章具舉於戲緬升華於黼黻常流汗簡之休聲隆侑薦於馨香式表垂紳之雅度惟靈不昧庶克歆承

御製碑文一道

制曰朕惟佐治惟賢素節垂光而作範勸忠有典丹綸論定以酬庸旣砥精自於始終宜備哀榮於存沒彝章率舊豐碣頒新爾原任戶部尚書沈初學有淵源度稱冲雅賡輦輦路躋鳳閣以垂紳臚唱榜端冠鼈峯

而峙鼎警院鈴於丙夜載詠在公轉宮秩於丁年頻占利見金門侍從
黼黻揚休玉局編摩圖書覽要佐六卿而翊治載筆南齋協一德以論
思展書講幄皇華四出始聞海以迄西江文柄重司先春闈而後秋試
統憲綱而勅紀樹之風聲參密勿以明謨思惟日贊鑿茲篤棊俾綜食
貨之籌嘉乃公忠仍攝銓選之枋憶昨鯨鯢觀春集曾隨國老以登筵於
今閭闔晨開更許耆英之緩轡疊承申命倍懷寅恭

實錄虔襄衰齡益奮卅載長趨於夙夜七旬少節其勤勞何耄耄之未登
迺淪俎之倏告頒飾終之鉅典予祭予碑俾議謚以易名曰文曰恪於
戲龍章采煥長垂青簡之光馬鬣封崇永誌黃墟之澤勒諸貞石罔替
欽承

嘉慶四年十二月二十六日

平湖縣志

卷首

十

穆宗毅皇帝宸翰

諭祭追贈都察院右都御史二品頂戴江蘇淮徐揚海道庫木勒濟特依
巴圖魯朱善張文

皇帝諭祭病故江蘇淮徐揚海道朱善張之靈曰鞠躬盡瘁臣子之芳蹤
卹死報勤國家之盛典爾朱善張性行純良才能卓越勤宣河濱職界
監司作雄鎮於徐揚無慚守土樹奇猷於淮海屢集援師衆志成城喜
閭里之共衛軍實悉數知飛輓之早籌是用羽儀重賁頭銜疊加允宜
肇錫嘉名特隆品秩詎意露布方馳星芒忽隕竟以力疾從事歿於戎
行朕深悼焉特頒祭典以慰幽魂於戲寵錫重墟庶沐匪躬之報名垂
信史聿昭不朽之榮爾如有知尙克歆享

同治 年 月 日

謹按

覃恩贈官

賜階誥勅

國朝典制大小臣工各照品級官職

頒定制詞故止錄其官爵入封贈門若

特賜詞翰及

諭祭

賜諡文則專屬一人獨被之榮例得備書

平湖縣志

卷首

十一